

ЯНВАРТЬ

11-це шистонза 1941 кизоня

5 (1801)

ПИТНЕЦ 5 тр.



Комсомолонь ВАЙГЯЛЬ

ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА

ЛИСЕНДИ

9-це КИЗОСЬ

Адресь: г. Саранск,
Советская ул., Дом печати.

ТУНДАТИ ОТЛИЧНАЙСТА АНОКЛАМАТЬ ИНКСА, КОМСОМОЛЕЦ ЯЛГАТ!

Колхознай велень комсомолецне няфтсть ни Сталинский урожайнь сатомать инкса тюремаса подлинно-большевицкий работань аф кржа примерхт. Сембонди содафт оцю урожайнь звеньевойхнень—Зубарева (Кочкуровский районь «Якстерь заря» колхозста) и Егорова (Ардатовский районь Сталинть лемса колхозста) ялгатнень лемсна, конат стахановский трудса прославили эсь прыснор, кода Ленинско-Сталинский комсомолть инь достойнай воспитанниконза.

Тяни марнек республикаты эса келиста моли тундань видемати анокламась. Колхозонь комсомольский организациятне, пионерхне и школьникне ацихть инициаторке сембе важнейшай мероприятиятнеди, конат необходимайхть оцю урожайнь получамаса. Тяфтама мероприятиятнень эзда фкя инь главнайке аци влгаты и растениятнеди лия питательнай веществатнень инкса тюремась. Ладский районца «3-й съезд Советов» колхозонь комсомолецнень и Ичалковский средный школань ученикнень и пионерхнень ловонь кирдемать и местнай удобрениянь кочкамать колга инициативаснон фатязь республикаса пцтай сембе комсомольский организациятне и школатне. Ламось синь эздот чебарьста ни работайхть ловонь кирдемать и местнай удобрениянь кочкамать коряс. Атишевский районца Кировть лемса колхозонь комсомольский организациясь (секретарь Кочетков ялгась) ётафть ловонь кирдема 12 гектар площадь лангса. Комсомолецнень опытна распространяется колхознень эзга. Ардатовский районца «25 лет Октября» колхозса комсомолецне кирдять ловда 10 гектар лангса, а Суподеевский комсомольский организациять (секретарь Лазарев ялгась) инициативанц вельде колхозса кирдф лов 200 гектар лангса. Николаевский средный школань комсомолецне и пионерхне тяфта жа примосихть активнай участия ловонь кирдемаса. Тяни тихть щитт и путнесазь синь паксят эзга.

Комсомолецнень, пионерхнень и школьникнень инициативасна аф эряви шарфнем шумихакс. ВЛКСМ-нь райкомонь и первичнай организациянь секретарьхне обязатт направлять тя инициативать практический тевонь разрешения. Мяляфтомс, што тундань видемати анокламаса комсомольский организациятнень инголе фкя инь основной задачка аци колхознень ловонь кирдемать и местнай удобрениянь кочкамать коряс планцон паш-

кодемасна. Эр комсомолецъ должен савомс нят мероприятиятнень пашкодемаса эсь лангзонза конкретнай обязательстват, обязатт содамс эсь вастнон работань тя областса. Личнай примерса вятмс эсь мельгат колхознай од ломаттнень—тяфтама долгоц эр комсомолецъ.

Особай мяль комсомолецне обязатт шарфтомс агротехнический учёбать шарфес. Минь аф кржа оцю урожайнь получамаса мастердонк, ВСХВ-нь участника, агрономда и велень хозяйствань лия специалиста, конат вполне могут максомс работань эсь опытнон, азондомс кода сатомс сяда оцю урожай.

Улихть сембе возможностне стахановский школань—социалистический земледелиянь знаниятнень касфтомаса школань организовандамати, конат лездыхть оцю урожайнь получамати. Миньцонк ули мезьс тонафнемс и кинь эзда тонафнемс. Вов сяда курокона организовандамс стахановский школатнень, сувафтомс тоза тонафнема колхознай активть: бригадирхнень, звеньевойхнень, но и рядовой колхозникнень.

Колхознай комсомольский организациятне должетт тиесме кеме дружба агрономнень мархта, оцю урожайнь получамаса мастерхнень мархта. Синь должетт улемс помощникос агрономти колхозникнень ётка агротехнический знаниятнень распространениясь.

Тяни кода промышленностьса, а стания и велень хозяйстваса келемсь социалистический соревнованиясь ВКП(б)-нь XVIII-це конференциять честьс. Заводонь и фабрикань рабочайхне обязуются конференциянь пажема шить васьфтомс производственной од победаса, а колхозникне 1941 кизонь тундань видемати отличнайста анокламаса. Колхозонь и совхозонь комсомольский организациятне должетт самс ВКП(б)-нь XVIII-це конференцияти колхознай и совхознай производстваса эсь рольснон нинге сяда вярй кеподемаса.

Достойнайста васьфтомс XVIII-це партийнай конференциять—тя значит отличнайста анокламс видьмотнень, инвентарть, алашатнень. Кочкамс сяда лама удобрения, кирдемс паксят лангса сяда лама лов.

Комсомолец и аф союзнай од ломатъ! Сяда келептеть ВКП(б)-нь конференциять лемса социалистический соревнованиять 1941 кизонь тундань видемати отличнайста анокламать инкса! Уледа тя соревнованьясь ингольдень ряттнень эса!

ЛЕНИНСКИЙ ШИТНЕНДИ АНОКЛАМАСЬ

Марнек странать эзга вишкста моли Ленинский шитненди анокламась.

Предприятиятнень, учреждениятнень и учебнай заведениятнень эзга организовандакшневихть беседат, докладт и лекцият, конат посвященнайхть В. И. Ленинть кулома шистонза савомок 17-це годовщинати.

Москувонь клупнень эса лувондовихть докладт тяфтама темас: «Ленинонь—Сталинонь учениясна фкя странаса социализмать победанц колга», «17 киза Ленинфтома, ленинский кить эзга—Сталин ялгаты руководстванц ала».

Парткабинетне и библиотекатне организовандакшнихть Ленинонь колга художественнай литературань выставкат. Вишкста аноклайхть Ленинский

шитненди Ленинградонь трудящайхне. Касонды В. И. Ленинонь музейнц филиалонза сашендыхнень лувкссна, и ся музейхненди—квартиратненди посетительхнень лувкссна, конатнень эса эрять и работась пролетарский революциянь гениальной вождеь.

Смольнайса исторический ленинский комнатаса экскурсантне оцю интереса ванондсазь шиса иляфть вещатнень, комнатать скромнай обстановканц, конань эса эрять Владимир Ильичь Октябрьский штурмань шитнень пингста и Великой Октябрьский социалистический революцияда меле васень кофнень пингста.

(ТАСС).



Эстониянь комсомолонь ЦК-ть кадратнень коряс секретарь Ю.Ф. Тельман выдвинутай СССР-нь Верховнай Советъ Национальностень Советозонза депутатонди кандидаткс Талинский Севернай избирательнай округть эзга. СНИМКАСА: Тельман ялгась (види ширеса) беседует од избирательхнень мархта.

Фотось Н. Яновъ (Фотось ТАСС-ть).

Литвань КП(б)-нь ЦК-ть обращения сембе избирательхненди

Республикань сембе избирательхненди печатлаф Литвань КП(б)-нь ЦК-ть обращенияц, конань эса сергытькшневихть синь дружнайста самс январь 12-це шистонза избирательнай участкатненди и максомс эсь вайгяльснон коммунистонь и беспартийнайнь блокть кандидатонзон инкса.

Сувамок Советский Союзонь братский республикатнень семьязост, корхтани обращенияц эса, Литовский ССР-нь народсь может спокойна занимандамс мирнай трудса и свободна участвовандамс од, социалистический стройнь тиесаса, кона аф содай экономический кризис, трудящай массань рабства и угнетения, нищета и бедствия, безработица и вандьнен шить колга неуверенность.

Обращенияц эса корхтани ся завоеваниятнень колга, конатнень сатозь Литвань трудящайхне советский властть эрама пингстонза.

Коммунистонь и беспартийнайнь блокть сембе выдвинутай кандидатонза,—корхтай обращенияц,—ацихть вернай борецокс трудящайхнень интереснон инкса. Важнай избирательсь должен мяляфтомс, што, голосовандамок коммунистонь и беспартийнайнь блокть кандидатонзон инкса, сон кармай голосовандама ся политикать инкса, конань ётафнесь большевиконь партиясь, ся политикать инкса, конань эса руководит трудящайхнень великай вождеьсна Сталин ялгась.

(ТАСС).

Эстониянь КП(б)-нь ЦК-ть обращения сембе избирательхненди

Эстониянь КП(б)-нь ЦК-сь обратилсь республикань избирательхненди призыв мархта, штоба сембе, кода фкя, январь 12-це шистонза сальхть кочкамасна.

— Советский Социалистический Республикань Союзи Эстонский ССР-ть сувамац,—корхтани обращенияц эса,—макссь возможность Эстонский трудовой народти эрямс Сталинский Конституциять шивалдонц ала, пользовандамс богатнень мархта, конатнень завоевал советский народсь. Эстонский народсь кармай фалу мяляфтомонза,


сон мзярдонга аф юкстасы, што Советский Социалистический Республикань Союзи Эстониять примамац ётафть Советский Союзонь нароттнень братский лезкснон вельде.

Обращенияц аделакшневи тяфтама валса:

— 1941 кизонь январь 12-це шип должн арамс Эстонский народти великай празниконь шикс, сяс мес «минь выбороньке ацихть сембе мирса единственнайкс, действительна свободнайкс и действительна демократическайкс». (Сталин).

(ТАСС).

Ленинъ эряфонц и революционнай деятельностенц колга выставка



МВО-нь Н-ский частьса тялонъ такти-
ческий занятияне.

СНИМКАСА: лыжа лангса ляцендема-
ти анокламась (комсомолецъ сержантъ
В. Т. Луинтъ отделениа).

Фотось А. Межуевъ (фотось ТАСС-тъ).

Примернай комсомолец

Комсомолецъ Каверов Семен заслужи-
женна пользовандай оцю авторитетса
«Цятка» колхозонъ колхозникненъ этка-
са. Тейнза аф страшна кодамовок теветь.
Сон ульсь и сеяльщикокс, и плугарькс,
и бороновальщикокс. Сон якась и вири-
шочка ускома—сембе теветь няфни ял-
ганзонды трудти честнай отношениа
образец. Каверов ялгась тани омбоце
кизось кода работай ни колхозса ма-
шиноведкс. И тя тевсонга няфтезе эсь
прянци, кода Ленино-Сталинский ком-
сомолтъ достойнай цѣрац.

Коде комсомолец-общественник, Ка-
веров ялгась вяти колхозникненъ этка-
са массово разъяснительнай оцю рабо-
та. Сон постоянна колхозникненъ марх-
та. И фалу свободнай пингеталувонды
тейст то газетат, то журнакт. Аф стак
сон лувондови тя колхозонъ организа-
цияса инъ примернай комсомолецекс.

Дорогов.

Ковылкинский район.

Саранск ошень парткабинетсь лац-
аноклай Ленинский шитнеиди. Залх-
ненъ эса организовандафт замечатель-
най выставкат мировой пролетариатъ
вождени—аф юкстави Ленинъ эряфонц
и революционнай деятельности колга.
Аныцек суват парткабинетъ потмос,
тонъ сельмейнголет пови исключительно
на цебарьста оформленной доскань
рамка, конанц потмоса клянцень
эпхеса няфтьфъ Владимир Ильичъ
важнейшай произведенийнза, кода «Что
такое «друзья народа» и как они вою-
ют против социал-демократов», «Две
тактики социал-демократии в демокра-
тической революции», «Что делать»,
«Государство и революция» и лиат.
Ряпок синь мархтоест ащихть: «Сталин
о Ленине», М. Ульянова «Воспоминание
об Ильиче» и лия книгатне, конатненъ
эса сѣрматфъ Владимир Ильичъ колга
и сонъ роднойнзон и маластонъ ялганзон
воспоминанисна.

Парткабинетъ лекционнай залсонза
организовандафт иллюстрированной вы-
ставка, конанц ащи 15-да лама раздел-
ста. Васенце разделса посетительсь оз-
накомиться Ленин ялгать идькс пин-
гонц и ранний революционнай деятель-
ностенц мархта.

Омбоце разделъ наглядна азонкш-
несы, кода Владимир Ильич «Искратъ»
эзда ушесомок и РСДРП-нь омбоце
Съездти модемс тюрсь единый пролетар-
ский партианъ тиёматъ инкса, кода
беспощадна тюрсь «экономисттненъ»
каршес. Тянь ваксса специальнай раз-
делса няфтьфъ, кода тана жа пингтъ
(1901—1904 кк) Сталин ялгась пуроп-
несь ленинско-искровский организацият
Закавказьяса, кода сон тоса пуропнесь
пролетариатъ лучшей представителен-
зон меньшевикненъ каршес идейнай
тюремати.

Исключительнай интерес представляет
посетительти сяда тов моли разделхне,
конат няфнесазъ Ленинъ и Сталинъ
марстонъ тюремасон Россиянь васенце
революцият пингса, Сталин ялгать
Ленинъ мархта васень личнай знаком-
ствани. Кода Сталин ялгась кядень пе-
цек Ленин ялгать мархта организован-
дакшнесазъ пролетарский массатненъ
царский монархият, марнек буржуазнай
строить полафтоманиты. Таса улихть
моментт, конат азондыхть, кода посте-
пенна оформилсь большевистский пар-
тиясь. Вов инголет картина, кода изо-
бражена, кода Ленин эсь соратниконц
Сталинъ мархта од революционнай
подъемонъ кизотненъ пингста (1912-це
кизода меле), особенна Ленский собы-

тияда меле, кепсихть пролетарский мас-
сатненъ эса од революционнай волна,
синь корхнихть митингова и собрания-
ва рабочайхненъ мархта. Таса тяфта
жа няфтьфъ, кода II-це Интернацио-
наль лидеронза Каутский, Вандервельде
и лиатне кярьмодеть буржуаз-
най каретати и ащихть сонъ инксонза,
голосовандайхть военнай кредиттненъ
инкса. Ленин и Сталин кемоста разоб-
лачают синь предательский деятельно-
стесон и призывают организовандам
од, III-це интернациональ.

Исключительна богатай иллюстрирова-
най материал минъ партианьконъ, во-
главе Ленинъ мархта, деятельности
максф 1917 кизонъ и меле Гражданский
войнанъ периодтненъ колга разделхненъ
эса. Таса Владимир Ильичъ знамени-
тай Апрельский тезисонза. Сталин ял-
гать Апрельский конференцияса вы-
ступлениа. Няфтьфъ 1917 кизонъ ок-
тябрьт 16-це шистонза РСДРП-нь ЦК-тъ
расширенной заседанияц, кода коч-
касть партийнай центр восстанитъ
мархта руководствать коряс. Убедитель-
най картинат, кода сембонди шарьхко-
девиства няеви, кода Сталин и Ворошилов
ялгатне синь лична руководили белай-
хненъ каршес бойхненъ эса.

Мекольце разделхненъ эса няфтьфъ сят
результатне, конат сатфъ минъ стра-
насонк Ленинъ и Сталинъ трудовой
народтъ врагонзон каршес виень атак
ужалъть тюремасон вельде. Няфтьфъ,
кода свята пашкотыкшнесы большеви-
стский партианъ эсь клятванц, конанц
максозе Сталин ялгась 1924 кизонъ
январьт 26-це шистонза Советонъ II-це
Всесоюзнай съездса сянь колга, што
Ленин ялгать сембе заветонза улихть
пашкотыфъ честь мархта, няфтьфъ гран-
диознай стройкат, кода ошса, стане и
велеса, конат тифтъ советский власть
пингста, Сталинский пятилеткатненъ
пингста. Няфтьфъ, кода социализманъ
корабльт славнай рулевоец Иосиф
Сталин, Ленин ялгать васень уче-
никоц, вьтесы советский народтъ победа-
ста победа—коммунизмъ вершинат-
ненди.

Выставкась представляет тейнек оцю
интерес. Сонъ эсонза нурьхкяниста,
но шарьхкодевиства отраженнайхть минъ
партианьконъ историястонза инъ основ-
ной моменттне. Таса няфтьфъ, што
Владимир Ильич Ленин сембе эряфонц
максозе народтъ-трудяйхненъ инкса.

М. Сайгин



Н-ский кавалерийский частьса тя-
лонъ тактический занятияне.

СНИМКАСА: Младшай лейтенантъ
Г. Т. Чаадаевъ тонафты од боецонъ
эса, кода лыжаса преодолеть препят-
ствиять.

Фотось А. Межуевъ,
(фотось ТАСС-тъ).

Машфтомс неграмотность

Мокшенъ Маскани велеса таниень
пингтъ этафневи оцю работа неграмот-
ность машфтомаса.

Сявомок учетс велеса уликс сембе
неграмотнайхтенъ и малограмотнайх-
ненъ, учительне вятихть синь этксоц
систематический работа. Вов, например,
сявсась учитель С. Ефимкинъ, кона
сявсь обязательства тонафтомс грамот-
ностьс 10 алат и 5 алат.

Неграмотнайхненъ тонафтомасонды
максемок оцю политический значения,
Ефимкин ялгась неделати колмокость
регулярна этафни занятия. И эряви
азомс, што Ефимкин ялгать слушате-
ленза тонадетъ ни сѣрмадома и бук-
варьса лувомат. Тяда башка, Ефимкин
ялгась эсь слушателензон мархта эта-
фни международнай темас беседат и
политинформацият.

Аватне и алатне, конатненъ тонафне-
сыне Ефимкин ялгась, сяветъ обяза-
тельства, штоба тунданъ видемаъ уше-
доманц самс лацкас тонадомс сѣрмадо-
ма и лувомат.

И. Кудашкин.
М. Кудашкин.

Сире-Синдрованъ р-н.

ОД ЛОМАНЕНЪ ВОСПИТАТЕЛЬ

Кемонъ кизода тяда инголе, 1931-це
кизонъ январьт 10-це шистонза, лиссь
свете «Ленинъ киява» газетать ва-
сенце номероц. Тя ульсь ся пингтъ,
мзярда сембе родинась ульсь фатаф
коллективизациянь волнаса, мзярда ве-
леса молись активнай и решительнай
тюрема кулачествать и сонъ подпеван-
ланзон каршес.

Газетать инголе ащестъ оцю задачат,
особенна эста, мзярда сон ульсь об-
ластьса съкамонза комсомольский газе-
такс. Эрявсть мобилизовать комсомолец-
не и од ломаттне велень ся культур-
най преобразованияц, конанц эста сем-
бе ширьге аныцек вишкета ушеткш-
несь. Оцю работа эрявсь тиёмс га-
зетати комсомольский организацият
идейна кемокстаманц инкса, чистен-
дамс сонъ рядонзон случайнай элемент-
тненъ эзда.

Варжакстомок газетать этаф творчес-
кий кинц лангс, можна смелста марь-
гомс, што газетась кемоста тюрсь ин-
голенза ащи ответственной задачатненъ
пашкодемасон инкса. Васень номер-
стонзаките сон няфтезе эсь прянци,
кода од ломанень подленнай вожак и
организатор. Эр номерда-номерс минъ
найхтатам целай полосат, конат посвя-

щеннайхтельхть велень советтнеиди,
коллективизацияц, культурнай строи-
тельствати, аф грамотность и малогра-
мотность машфтоманц и лама лия
общественно-политический кизефксон-
ди. И эрь случайста нят кизефксненъ
газетась сотнекшнесень комсомолтъ ра-
ботанц и эсь инголенза ащи задачат-
ненъ мархта.

Газетась тиендсь выездной редакцият.
1934 кизоня тяфтама выездной редак-
циятне тистъ оцю работа хозяйствен-
но-политический кампаниятненъ пашко-
демаса Кочкуровский, Саранский, Ар-
датовский и лама лия райоттненъ эса.
Таса синь эрь районца нояльст 2—3
номер газета.

«Ленинъ киява» газетась тяфта жа
лама тисъ эрянь кяльть усовершенст-
вованиац коряс. Мзярда (1933—34
кизотненъ) буржуазнай националистне
эразъ тиёмс кяльть эстиенза, эрянь
народти аф шарьхкодевиства, газетась
максъ лама статьят, конат разоблача-
ли кяльть колга нят вражеский толко-
ваниятненъ.

Газетась сембе пингтъ кирди кеме-
соткс юнкорхненъ и читательхненъ
мархта. Сон эсь кемонъ кизонзон пинг-
ста касфтьс аф кржа цебарь работник,

кода Ст. Прохоров, П. Батаев, П. Лю-
баев, И. Прончатов и илат, конатненъ
лемсна, кода писателень содафт тани
пштай марнек республикати.

Литературанъ кизефксненди газетась
фалу шарфнесъ оцю маль. Эрянь пи-
сательхненъ од произведенийсон лангс
максесъ критический статьят.

Разнообразнай тематикась и кяльть
свежестец тиезь газетать одломаттне-
ди кельгови газетакс. Тянь колга
корхтайхть хотя бы стама фактне,
што сонъ тиражец васень кизостонза-
киге ульсь пафтьфъ 2000 экземплярс,
а юнкордонза ульсь 100 лама.

Подписчиконъ и юнкоронъ лувкесъ
кизода-кизос кассь. И вов газетась эсь
кемонъ кизонъ юбилейницты сась тяф-
тама данвайса: юнкорда сембоц 200,
эрь шиня получахши аф 10—15
кржа сѣрма. Полафтьс тиражсь.
Установленной лимитсь ни ламода аф
сатни. Читательхне эняльдихть, штоба
касфтомс лимитть.

ВКП(б)-нь XVIII-це съездтъ реше-
ниядонза меле, газетась одуктиезе эсь
работанц. Сон сяда полнайста кармаь
няфнема комсомольский организацият-
ненъ эряфенон. Передовой примерхненъ
коряс тонафтьс и тонафты, кода це-
барьста ладамс комсомольский рабо-
тать.

Но газетать улихть и лама аф са-
тыкстонзонга. Сонъ страницанзон эса
нинге шуроста эрайхть пропагандист-
ский статьят, аф сатомшка няфневихть
комсомольский активисттненъ револю-
ционнай теорият тонафнемаса самос-
тоятельнай работанъ опытна. Ашезе
му нинге эсь яркайста няфтемани
«Ленинъ киява» страницанзон эса
и школьной эряфське. Виде, тя тематъ
коряс максесви лама материала, но
синь каннихть хрониканъ характер,
аф няфневи настоящей эряфсь, кодам-
са тани эрай школасъ.

«Ленинъ киява» газетать редак-
ционнай коллективоц сонъ кемонъ ки-
зонъ шистонза заверяет читательхненъ,
што сембе синь замечаниясна и поже-
ланиясна улихть учтенайхть и газетась
кармай лисендема нинге сядонга жи-
войста, интересвайста, сяда полнайста
кармай няфнемонза советский од ло-
маттненъ счастливый эряфенон. Сон и
сяда товонга оправдает од ломаттненъ
Лениновъ—Сталиновъ партият тевонцты
пѣфтема преданностень духса воспита-
теленъ роленц.

А. ЩЕГЛОВ,

«Ленинъ киява» газетать ответ.
редактороц.

Возглавить од ломанень производственной од подъемт

Эрь шись малатфнесамазь минь оцю исторический событияи пиити. Февральт 15-це шистонза панжеви XVIII-це Всесоюзной партийной конференциясь.

Рабочайхне, колхознай крестьянствась и советский интеллигенциясь ознаменовандакшнесазь конференция панжема шини—од, пияк оцю производственной и политической подъемса. Промышленной предприятиянь эса, колхознень, совхознень и МТС-нень эса сада валдста крьязьсть социалистический соревнованиянь толхне. Рабочайн целай коллектифт лифтесь эсь мяльсон сян колга, штоба вельф пашкодемс государственной платтень. Колхозникне сявель обязательствася февральт 15-це шиницы марнек аделамс тундань видеамати анокламать, кирдемс паксаяв лама лов, усоме лама местнай удобрений и ст. тов.

XVIII-це партконференция лемса социалистический соревнованиясь максонь ни сонень васень результатонзон. Рузаевка станциянь ж. д. узелонь предприятиянь эса трудонь производительность кассь 264 проценты. Токорсь Рябчиков ялгась ётась ламастаночнай работас, фкя сменастан сон пашкотькшн ниле нормат. Саранскийн котониннай фабрикань рабочайхне ётай кизонь 4-це кварталонь планцон пашкодезь пингта инголе. «Пищевик» артелен коллективсь сявель обязательствася конференция панжема шиницы пашкодемс 1-це кварталонь производственной планцон.

Келиста келемсь социалистический соревнованиясь од ломаттень ётка. Синь няфнихть оцю инициатива и организаторский способность предприятия, колхоза и культурной фронтса. Вов, например, Рузаевкань станцияса депонь од машинист Дроздов ялгась. Сон ётай кизоня васендеда нинге озась локомотив лангс. Аф ваномок практический работань ёлма опытоц лангс, Дроздов ялгась кармасть вельф пашкотькшнемост технический скоростень норматнень. Сувамок XVIII-це парткон-

ференция лемса соцсоревнованияи, сон сявель обязательствася вишкониястватнемс паровоснень, ламоне ускемс грузда, ванфтомс топить. Аф Кунара Дроздов ялгась ватсь Инза станция поезд, коза сон ардсь графика установка срокта инголе—55 минута. Комсомолец Повельев ялгась, работамок депоса, выработкань норманц пашкотькшнесь 250 проценты.

Ладский района «III съезд Советов» колхозонь комсомолец оцю вийса лездыхть колхозти. Синь лездеть ётай кизоня колхозти оцю урожаень сатомаса, тяде лифты ценнай инициатива колхознай паксаяв лама ловонь кирдемать колга, тисть призыв Мордовиянь комсомоленди и кирдсть ни 30 гектар лангс лов. «Выдвиженец» колхозонь комсомолец (Краснослободский район) эсь колхозонь паксаязост кирдсть 180 гектар лангс лов.

Оцю работа ётафнихть тундань видеамати анокламаса Лямбирьской района «Волжская коммуна» колхознай комсомольский организациясь, Инсарский района «Красная звезда» колхозонь комсомольский организациясь и лама илит.

Но эривизоме, што социалистический соревнованиясь возглавляндакшнесазь нинге аф сембе комсомольский организациянь руководителхне. Вов, например, Саранский района Ворошиловть лемса колхозонь комсомольский организациянь секретарь Долгов ялгась. Комсомолецне путозь, штоба васендекс лисемс ловонь кирдема, но Долговсь сонць жа нарушандазетья решения, омбоце шине азесь лисемс ловонь кирдема.

Калыдав ся комсомольский руководитель, кона аныцек максей директиват и указаний, а сонць живой, деловой участия аф примей.

Соревнованиясь—тя оцю вий. Аныцек сон эривизоме возглавить, привлечь эзозна сембе комсомолецнень и аф союзнай од ломаттень и ушедомс коллективна упорнай работать.

И. Пяткин.

ЗАНИМАНДАКШНЕДА ШОВДАВА ГИМНАСТИКАСА

Кие ашезе маре шовдава репродукторса кайги вайгяльть, конац заставляндакшнесь только што сгрозыф ломанть курокста стямс вастста и юкстамс удомать колга? Ломаттне, конат стяффт тя вайгяльть мархта, эрйхть популярнай зимовкаса и Чернай морять берягонзон лангса, шумнай столицаса и среднеазиатский кишлакса, но синь сембе фкя пингста тиендихть приседания, комотнихть фкя вастса или тиендихть плавнай движениат кядьса. Радиофизкультурникне кулхондозь пашкотькшнесазь ломанть волянц, конац ащи микрофонть вакса Москуса. Сонь лемоц Владимир Васильевич Набоков. Вов ни лама кизот Набоков ялгать канневи странать сембе уженианзон эзга вайгялен, конац страстнайста призывандакшни физкультураса занимандамат. И сядот тежять советский ломатть, и сирет, и итть эсь трудовой шистон ушедомост инголе радиоть коряс тиендихть гигиенический гимнастика. Минь печатлатама шовдавань гимнастикать колга Набоков ялгать статьяни.

Аш тяфтама ломань, конац ёраль бакурк сиредомс. «Сядошка кизос касомс тейнек апок сиредть». — Владимир Маяковскийт нят валонзон эса няффт мирса инь жизнерадостнай советский од ломаттень мыслясна и чаяниясна. Кувалгафтомс человеческий эряфонь прекраснай пингть—одгешить—может кажнайсь, кда сон кармай фалу занимаандакшнемс спортса. «Кие аф регулярна занимаандакшни физкультураса,—сёрмадсь Советский Союзонь Маршалсь К. Е. Ворошиловсь,—ся уподобляндакшни ломанти, конац сознательна ёрай сиредомс 45 минутнень и форейровандакшнемс сь одряхлениянц».

Гимнастикань известнай датский специалистсь И. Мюллерсь «Моя система» эсь книгасонза доказывает, што ся, кие занимаандакшни физкультураса,—кода правила таза и сире возрастонга, и мекланг, кие ворьготькшн сонь эздонза,—курк сиреди. «Мон няень сизьгомонь-кафсегомонь кизось «од» алят, конат пашкотькшнесазь монь инь сизефти упражненионь,—сёрмады И. Мюллерсь,—и—к сожалению, мон тьянь вынужден азомс, мон ульсь колмогомонь кизоса учениконе, конат ульсь дряхлай атя ладот».

Пияк трудна максоме оценка шовдавань гимнастикать важностенц колга ломанть организманты. Гимнастикать благодатнай действиянзон отмечандакшнесазь аф аныцек врачне, но и синь физкультурникне.

Гимнастикась телати максей красивой осанка, тиенди гибкость и ловкость движениася, кемокшнесьне сидеть и дыхательнай оргаттень, касфнесь работоспособность.

Ломаттне, конат пренебрежительнайста ваныхть эсь шумбрашисон лангс и аф занимаандакшнихть физический культураса, сидеста ссылаются сян лангс, што тейст, няйсасть ли, аф сатни пингс спортса занимадамс. Тяфтама корхтамась ащи свидетельства аф организованности. Нльня работаса пияк заняф ломанць фалу может 10—15 минутань эрь шиня занимадамс физкультураса. Нят минутатне макссазь эсь положительнай результатонс. Кажнайсь, конац кярмодсь регулярнай занятиятнень, пияк курокста тьян кармай шарьхкодемоза.

Гимнастикаса фалу занимадамань необходимость колга ванфтомсь Ленинть интереснай высказывания. «А главнайсь,—сёрмадсь Владимир Ильичсь эсь сестранцы Мария Ильиничнати,—тяк юксне эрь шинь, обязательнай гимнастикать, заставляндакшнек эсь пряцень тиендемс лама кемонень (уступафтом!) всякай движениа! Тя пияк важна».

Сядот тежять рабочай и служащай, конат эсь лангсост марсесазь гимнастикать бодрящай действиянзон, ашихть спортонь страстнай пронагандистокс.

Синь эсь опытоц кармасть содама, кода целебна действовандай гигиени-

ческий гимнастикась. Всесоюзной радиокомитету сашенды сядот сёрмат. Сёрмадыхть рабочайхне, колхозникне, советский интеллигентне, сёрмадыхть сян колга, што шовдавань гимнастикась тиезень синь сяда дисциплинированной, сяда организованнай и работоспособнай ломаньке.

Кда тинь нинге аф тиендята шовдавань гимнастикат, то ёрдасть ламос арьсемать: вандыень шовдавакиге жа арада репродукторть инголи и четкайста пашкотькшнесь инструкторть команданзон.

Кода тиемс зарядкать? Сембодонга инголи занимаандакшнеда гимнастикаса эрь шине саяк жа пингста. Занятията инголе цебарьста эривизоме проветрить комнатать. Помещениясь воздухсь должен улемс чистай и свежай. Упражнения тиендемс можна спортивной, купальной костюмса и гимнастический туфляса—тапочкаса. Кда цебарьхть условияне и комнатаса ламбе, гимнастикать тиенсть обнаженнайста, сяс местинь тьяк пингста примсятада и воздушнай ванна.

Стямок вастста, штак куркцень, освещеи шамацень ведьса. Бургонь штамда меле симода кафта-колма копоркс ведь. Киякс лангса озада и боком упражнениань тиендеста используйте ковер или плотнай котфонь кусок. Сембе урокть пингста шарфтода башка мяль дыхательнай апаратть и сустафнень полномернай движениасон правильнайста использовандамасон лангс.

Упражненияда меле ётафтода основательнай туалет. Пияк цебарь, кда тинь шовдавань гимнастикать пашкодсасть аф оцю прогукса, конац ётафнесь завтракамда меле, тумок работас. Тяфтама прогулка рекомендуем тиемс и работаста куду самстовок. Прогукать пингста ваймонть таркессть крхкаста, задержкатома и сембе пингста шалхонь пачк. Молада бодрай ась колксса, видеста, аф качандакшнемок.

Кда аш радио, тинь гимнастикать можете успеха тиемс книгать лезсонц вельде. Сатода библиотекаста «Индивидуальная гимнастика на каждый день» (Воениздат, 1939 к.). Тя книгать коряс, конац келиста распространёнай, тинь тинь можете тонадомс гимнастический упражнениатнень. Сян колга, упражнениань кодама комплекс кочкамс эстетить, советондада врачь мархта.

Комсомолецне, конат нинге аф занимаандакшни физкультураса, эсь спортивной эряфсон могут ушедомс именна шовдавань гигиенический гимнастикать эзда. Тяфта ушечность спортонь лама мастерхт.

Минь родинаньконь оборонань интересонза вешихть сян, штоба од ломанень миллионнай массатне улельхть физкультурникокс, штоба синь Яктерь Армиясь сальхть здоровай и закаленнай боецке.

В. Набоков.

ВАЙМОСИХТЬ ДОСТОЙНАЙСТА

Весяласта и радостнайста ётафнесазь каникуласон Кочетовка велень аф полнай средней школань ученикне.

Педагогический коллективть лезсонц зельде организовадаф цебарьста итнень культурнай досугон ётафтомас-

на. Тиендехть тейст беседат, ульсь ётафть вечер.

Старшай классонь ученикне курькснихть лыжаса и конькаса.

Липенкин.

Инсарский район.



Советский Латвияса.

СНИМКАСА: (Рижский уездса) Скриверу волостень од избирательне стирняне-крестьянкатне Вера Крейслинь и Вилма Петерсь беседовандайхть агитаторть младшай политрукть П. Щаврукть мархта.

Фотось Д. Черновть (фотось ТАСС-ть).

Англо-германский войнась

Январь 8-це шистонза шить, аф ваномок калдяв метеорологический условиянень ланге, германский авиациясь тись несколько налет Англиянь ланге. Германский фья бомбардировщиксь, ётамок зенитной артиллериянь виитоль и воздушной заграждениянь аэростатонь сетть пачк, 100 метрань серьста ёрдась бомбат моторонь тии заводть ланге, кона ащи Ковентри мала. Омбоце тяжёлай бомбардировщиксь атаковандась вооруженной торговай пароход, конань тоннажо 10-шка тяжянь тонна. Пароходсь кровязсь. Тяфта жа бомбардировандаф воинский лагерьсь Англиянь юго-восточной побережьясонза.

Рейтер агентствась пачфнесы, што январь 9-це шинц карша веть английский авиациясь успешна бомбардировандазень военно-морской базатнень Германиянь северо-западной побережьясонза.

(ТАСС).

Таить и Французский Индокитай ётка конфликтсь

Иностранная корреспондентне пачфнихть Таить и Французский Индокитай ётка конфликтсь сяда тов виш-комоманц колга. Таинь войскане сувасть французский колониянь территориязонза. Пцтай апак лотксек действовндайхть кафецьке ширетнень авиациясна. Домей Цусин агентствать корреспондентонц арьси, што тя странатнень границасон лангса столкновенияне «постепенна примсхть настоящай войнань характер». Январь 7-це шистонза Таить провинциязон эса, конат граничендайхть Индокитай мархта, ульсь азф военной положения.

Тяфта жа пачфнесазь, што французский властне азонткшихть недовольства Индокитайса японцнень действиясон колга. Ня шитнень французские лоткафть поезд, кона усксь японский танкат и артиллерия и мольсь Хайронца Ханойти.

(ТАСС).

Рейтер агентствась Тобрукть колга

Лондон, январь 8-це шистонза, (ТАСС). Кода пачфнесы Рейтер агентствась, военной кружнень оценкаснот коряс, Тобрукть гаванец ащи североафриканский побережья эса фья инь цебарь естественной гаванькс. Сонь кружсесы полуостровсь, кона моли западста восток шири. Гаванть кувалмоц пцтай 4 километрат. Полуостровсь

ащи морять уровененц эзда 40 метрань сереса и берягонза кругат. Тяфта, гаванць аралаф сембе ширде, аныцек штада восточной ширде. Но тя ширде вармат эрийхть пях шуроста. Гаванць удобнай суднатненьди ащеманди любой погодаста. Гаванть крхкалмоц 15 метра кучкаса и 10 метрат берягть маласа.



СНИМКАСА: Английский итне убежища ваныхть немецкий и английский самолетнень ётка воздушной бойть мельга.

(Фотссь ТАСС-ть).

Африкаса войнась

Кода пачфнесы Рейтер агентствась, Ливияса мольфеве аноклама Тобрукть атаканцы. Ассошиэтед Пресс агентствать корреспондентонц пачфнесы, што англичатне фатязь итальянский авиабазать Эль-Газалать (Тобрукть эзда запад ширеса) и мусть тоста 30 самолет колафста.

Юнайтед Пресс агентствать корреспондентонц сведениязон коряс, английский войскане, конатнень эса 100 тяжянда лама ломань, ащихть Кенияса, абиссинский границать маласа (Восточной Африка). Лондонца сообщениать эса корхтави, што Абиссинияса местнай повстанецне английский авиациянь лезконц вельде панезь итальянский гарнизонть Губба пункт эзда.

Тиендемок итокт Бардиянь маласа сражениати, итальянский печатсь сёрмады, што англичатнень вийсна ульсь кемонькс сяда оцюфт итальянский гарнизонть лувксонц коряс. Бардиянь штурманцы мольсь крупной бронетанковой частть, конатненьди лездсь 1000-шка самолет и марнек английский флотсь, конань ули базац Александрияса.

Стефани агентствась корхтай, што войнать общей ходонц эса Бардиянь маласа сражениась кирди местнай значения и што ся вийхнень, конат ащихть Италиянь кядьса, оцю частьсна нинге апак сувафт действияс.

Итальянский газетатне печатлазь итальянский министрнень советть заявленияц, конань эса азондови Италиянь верностец Германиянь мархта союзи и тройственнай пактти.

(ТАСС).

Албанияса фронтнень эса

Юнайтед Пресс агентствать корреспондентонц сообщениянц коряс, итальянецне ушедсть келиста применяндакшнемонза авиациянь марнек фронтть эса. Однако грекне фронтть сембе секторонзон эса инициативать кирдсаясь эсь кядьсост. Фронтть юго-западной участкасонз Клисурать районца греческий войскане паштеть инголи. Юг ширеса синь молихть побережья кувалма, а северса—Мокра пантнень ётка. Мокра пантнень ётка итальянецне использовандайхть од типонь тяжёлай орудият, конат могут лацендемс 16 мильня расстоянияса.

(ТАСС).

Художественная выставка

Саранскийса идень художественная училищат помещенияса январь 6-це шистонза панжевсь изобразительная искусствань выставка. Мордовиянь художникне, лифнемок выставкав эсь лучшей произведениясон, учихть, штоба народсь тиель синь работасонды критический анализ, максоль достоинствас коря оценка и лифтелезень ланге улике аф сатыкссон, конат шорсихть синь работасост.

Штоба улемс настоящай художникке, живописецень кистень обладателькс—эряви, васендакиге, улемс психологически пях чуткай и обаятельный ломанькс, эряви иметь оцю вий и кеме воля. Тя значит, маштомс управлять эсот улике талантть и способностнень мархта стане, штоба фалу улелхть синь подчиненнайхть воляцти, любовай пингста безукоризненна служальхть тейть. Лиякс марьгомс, ушедомок ся или тона арьсеф темать разрешандаманц, васендакиге эряви психологически крхкаяста арьсеме арь башка детальть и, наверняка за-

дачась ули разрешандаф оцю превосходства мархта.

Выставкаса инь оцю васта занци художникть Ермиловть творчества, кона пях многообразной и содержательной тематикас коря. Но, штоба корхтамс сонь талантонц и способностензон колга, васендакиге эряви корхтамс сонь портретнай работанзон колга.

Ермилов, кода художник-портретист, няфни башка пях удачной произведениат. «Авань пря» портретонц, кона рисовандаф простой тушевальнай карандашса, сембе произведенийанзон коряс удалаф. Сонь эсонза ниеви мыслянь оцю крхкалма, ули эсонза вайме, психологический крхка чувстват и оцю мастерства. Но тьяконь мархта эряви азоме, што Ермиловть улихть картиназа, хоть и синь сёрмафт натурас коря, сембе сяка страдают оцю аф сатыксса. Беззубова орденонсец-сказительница портретонц, кона наружной отшлифовкада башка, тиф калдявста. Аш эсонза внутренняя кодамовок глубина, лисенди шавя мумиякс. Тя кор-

хтай синь колга, што Ермилов ялагсая работанц колга арьсее пях кржа, аф содасы Беззубова сказительница творческий ваймонц, а тьянь сюнеда и ашезь лисе портретсь.

Тяфта жа эряви азоме Ермиловть и лия картиназон колга. Вов «Саранскийсь 1939-це кизоня» археологический картинац. Тись художниксь оцю полотно, и кода тьяни, а стания жа лама кизонь ётазь, сон кармай улема кода документальной картина, но улихть лама аф точностенза. Ермиловть улихть цебарь этюдонза, пейзаженза и бытовой картиназа.

Выставкаса занци оцю васта Абрамов художниксь, конань картиназа содафт ни кунара зрительхненди. Но эряви азоме, што Абрамов ялгать картиназа краскань ширде пях пижет и пях фотографичнайхть, конат кирьфнесазь художественной ценностенон.

Белкина художница «Паксянь станца политбеседа» картинац аныцек цебарь композицияс коря, но ашезь максов тейнза эрявикс свет и постро-

кань вид. А тьянь сюнеда юмси картинац ценностенц.

Аф калдяфт Сулиманов художникть картиназовок. «За книгой» картинац тиф достойнайста.

Тяфта жа эряви азоме од, начинающей художникнень произведениясон колга. Сявсась П. Волковть. Сонь улихть художниконь способностенза. Сявомс «Последний снег» и «Разлив» картиназон, коса Волковсь тись смелай аськолкс и аф калдявста лисеть картиназа. Станежа цебарьста рисовандафт автопортретонза.

Эряви азоме сонцень выставать колга. Выставочнай комитетсь выставкати аноклась аф сатомшка. Пях лама ни эскизда, черновой работада, конат выставкаса ёфси афольхть эряв няфтемска. Пинге ни няфнеме сембе ширде аделаф продукция, конат ба заслуживали оцю мяль и интерес.

Г. Пьянзин.

Врид. ответ. редакторсь Дм. РОДИН.